



STATE OF HAWAII
DEPARTMENT OF EDUCATION

Esinesin ngeni Semenap me Inenap, Chon Tumun, me Chon Sukun: POROUSEN EMON

POROUSEN EMON – FERPA iten ew annukun Federal faniten met ekewe an Family Pung me Met sokun porouser epwe monomono, a afata pun ewe putain Education(HIDOE), me nukun ekoch popun, epwe akom angei mummata seni Semenap me Inenap, Chon Tumun, me ewe chon Sukun(ion a 18 ierin ika ese pwan wor tikingawan) me mwen ar repwe fangeu ekewe tichikin porousen emon chon sukun mi nom ren ekewe pwekin sukun. Iwe nge, ewe HIDOE mi tongeni epwe fangeu ekoch"porousen emon", ren met epwe ititoch, ikamo ese wor ewe taropwen mummata, me nukun chok ika ewe Semenap me Inenap, Chon Tumun, ika ewe Chon Sukun a esine ngeni ewe HIDOE non taropwe pun rese mochen porousen ewe chon sukun epwe tou usun met mi afat non ei taropwe ren met kopwe fori nupwen"kose tipeew ngeni". Auchein an epwe wor ekei sokun ren porousen emon pwe epwe amecheresi an ewe HIDOE epwe tongeni nounou porousen ewe chon sukun non ekoch pwekin ewe porousen sukun. Ikei ekoch sokun repwe tongeni nounou ren, nge esap chok ikei:

- Puken porousen pwekin kao sipaii, epwe afata met wisen ewe chon sukun;
- Puken porousen non ew ierin sukun;
- Tettenin iten chon mi tipachem ika tikioch;
- Ekewe programun sochingio, pwan
- Ekewe iteiten sokun pwekin urumot ren kao fiu, mi afata fite choun me tamen emon.

Ekewe porousen emon, ren manapen porousan emon esap tongeni epwe efeiengawa ika eitengawa emon ika epwe pwano, epwe tongeni an epwe pwaa ngeni ekoch pwekin nukun ewe sukun ikamo ese wor ewe taropwen mummata seni ekewe Semenap me Inenap, chon tumun, me chon sukun. Ekei sokun pwekin me nukun sukun, mi tongeni esap ikeir chok, epwe ekewe company rekan wisen fori ika amomo ring, puken porousen ewe ew ierin sukun, pwan ekewe companien won computer pwekin kao ika ekewe rekan checki ifan ochun me ngawen ekewe sokun program. Ewe HIDOE epwe fangeu porousen emon anongonong won ekewe annukun federal ika state, mi pachenong ewe ititin pwe epwe wor ekoch popun repwe chok tongeni fangau usun mi afat non ewe annukun FERPA faniten ekewe pwekin chosa ika audit, apungu ekewe pwekin asukun ika ifan usun ar angang, pwekin pioing ika ifan usun nupwen epwe wor weiweitan feiengaw, taropwen porousen ewe chon sukun a titino ren ewe ew kinikinin sukun, ika taropwe epwe niwin sefaniti ewe sukun efen wisen tini. Porousen emon epwe tongeni pwan afat won noun iwe ID badge ika pun ewe sukun a finata pun chon sukun repwe chok nounou ID iteitan.

HIDOE a finata pun ikei met epwe pachenong non porousen emon:

- Iten ewe chon sukun
- Ilan ekan nom ian
- Nampan noun phone
- Inet me ian nenien an uputiw
- Inet atun an poputa/ika tou -fiti pwinin maram
- Efituan
- Ekewe sokun itefounon pwekin urumot a fiti
- Choun me taman chochon chon fiti pwekin urumot
- Met sokun nifangan, certificate, pachenongekewe kinikinin kaeo afen awesi (awewe ren diploma)
- Ewe saingon pwekin sukun ka keran tou seni
- Inet atun ka sochingio

IFA USUN OM KOPWE AFATA PUN "KOSE TIPEEW NGENI"

Ika emon semenap me inenap, chon tumun, me chon sukun rese mochen HIDOE epwe pwarii metoch meinisin porouser mi nom ren ekewe pwekin sukun ika rese mutatta, iwe repwe signei echo taropwe ngeni ewe sukun epwe afata usun mefier. Ena taropwen mefiom mi sign epwe afata ika unusen porousan ika ekoch ichok porousan esap pwaa ngeni emon. Ika pun epwe chok ekoch porousen emonewe esap pwano, iwe ewe taropwe mi sign epwe fokun tichikietiw met ekewe sokun porousan esap afat.

Semenap me Inenap, chon tumun, me chon sukun repwe sinei pun nupwen ra finata pun meinisin porousen emonewe esap pwano, iwe epwe tongeni epetii an resap fang porousan ngeni ekewe pwekin college, pwekin angang, ika ekewe company rekan fori nour kewe ring, ika sassing, ika fen pwan ngeni ekoch pwekin ofes ika aramas ika pun ese akom wor ewe taropwen mummata. Porousen ewe chon sukun esap nom non ewe puken porousen ew ierin sukun, ekewe porousen news ren an iwe sukun, non ewe programen sochingio, iten chon fiti ekewe pwekin urumot, iteiten ekewe ir mi nom won honor roll,ika pwan ekoch. Ekewe semenap me inenap, chon tumun, ika chon sukun repwe afata ika ir mi mutata ew me ew ekewe tetenin porousen emon mwen epwe tongeni katou.

Ewe taropwen "kose tipeew ngeni" epwe ketiw non fansoun ese nifinifin non ewe ew ierin sukun, iwe epwe poputa manamanan non chok ewe ranin a tour ngeni ewe nenien sukun(ewewe,meinisin taropwen akom me nukun ei epwe chok sopolosono manamanan me nukun chok ika afen ekesiwin). Ika ewe semenap me inenap, chon tumun, ika chon sukun rese fori ewe taropwen "kose tipeew ngeni" iwe porousen ewe chon sukun mi tongeni an epwe katou ika mo ese wor ewe mummata anongong won met mi afat non ekewe sakopaten annuk.